

К ОПУБЛИКОВАНИЮ

КОМИ РЕСПУБЛИКАСА ВЕСЬКӦДЛАН КОТЫРЛӦН

ШУӦМ

**Уджсикасӧ велӧдан да уджсикасын содтӧд тӧдӧмлун сетан
уджтасъяс серти велӧдны позянлунсӧ урчитӧм могысь
выль коронавирус инфекция паськалӧм вӧсна
лоӧмторъяс улӧ веськалысьяс категорияӧ
гражданаӧс пыртан муртӧсьяс вынсьӧдӧм йылысь**

Россия Федерацияса Веськӧдлан котырлӧн 2020 во лӧддза-номъя тӧлысь 29 лунся ММ-П12-23пр №-а тшӧктӧмъяс лыддьӧглысь 8 пункт збыльмӧдӧм могысь, Выль коронавирус инфекция паськалӧм вӧсна лоӧмторъяс улӧ веськалысь йӧзӧс уджсикасӧ велӧдӧмсӧ да уджсикасын налы содтӧд тӧдӧмлун сетӧмсӧ котыртан 2020 во моз тӧлысь 17 лунся уджтас серти, мый вынсьӧдӧма Россия Федерацияса велӧдан министерствоӧн, Велӧдан да наука юкӧнын дӧзьӧр нуӧдысь федеральной службаӧн да Удж да уджӧн могмӧдан федеральной службаӧн, выль коронавирус инфекция (COVID-19) паськалӧм вӧсна лоӧмторъяс улӧ веськалысь йӧзӧс уджсикасӧ велӧдӧмсӧ да уджсикасын налы содтӧд тӧдӧмлун сетӧмсӧ котыртӧм могысь Коми Республикаса Веськӧдлан котыр шуис:

1. Вынсьӧдны Уджсикасӧ велӧдан да уджсикасын содтӧд тӧдӧмлун сетан уджтасъяс серти велӧдны позянлунсӧ урчитӧм могысь выль коронавирус инфекция паськалӧм вӧсна лоӧмторъяс улӧ веськалысьяс категорияӧ гражданаӧс пыртан муртӧсьяс тайӧ шуӧм дорӧ содтӧд серти.

2. Тайӧ шуӧмыс вынсялӧ сийӧс примитан лунсянь.

Коми Республикаса Веськӧдлан котырӧн

Юрнуӧдысьӧс вежысь –

Коми Республикаса сьӧм овмӧс министр

Г. Рубцова

Сыктывкар

2020 вося йирым тӧлысь 6 лун

498 №

ВЫНСЬӨДӨМА

Коми Республикаса Веськөдлан котырлөн
2020 во йирым тöлысь 6 лунся 498 №-а шуöмөн
(содтöд)

Уджсикасö велöдан да уджсикасын содтöд тöдöмлун сетан
уджтасьяс серти велöдны позянлунсö урчитöм могысь
выль коронавирус инфекция паськалöм вöсна лöмторьяс улö
веськалысьяс категорияö гражданаöс пыртан

МУРТÖСЪЯС

Гражданаөн, кодьяс Коми Республика мутасын пырöны выль
коронавирус инфекция паськалöм вöсна лöмторьяс улö веськалысьяс
категорияö да кодьясöс колö велöдны уджсикасö велöдан да уджсикасын
содтöд тöдöмлун сетан уджтасьяс серти, лöоны:

1) гражданина, кодьяс вермöны воштыны удж, – гражданина, кодьясöс
вермасны мездыны уджысь, сы лыдын организация бырöдöм либö асшöр
уджалысьён удж дугöдöм, банкротство, уджалысьяслысь лыд да штат
чинтöм, простой (недыр кежлö удж сувтöдöм) понда организациялысь
либö асшöр уджалысьлысь удж дугöдлöм вöсна, кодьяс петісны удждон
мынтытöг отпускьясö, кодьяс уджалöны абу тыр (дженьыд) уджалан лун
серти, кодьяс 2020 вося рака тöлысь 16 лунысь эз водзджык босьтісны удж
сетысьянь гижöда уведомление;

2) йöз, кодьясöс мездісны экономика отрасльясса
предприятиеясысь, кутшöмьяс вылö медся ёна тöдчис выль коронавирус
инфекция паськалöм вöсна серпас лёкмöмыс, кутшöмьясöс индöма
«Россияса экономика отрасльяслысь, кутшöмьяс вылö медся ёна тöдчис
выль коронавирус инфекция паськалöм вöсна серпас лёкмöмыс, лыддьöг
вынсьöдöм йылысь» Россия Федерацияса Веськөдлан котырлөн 2020 во

косму тӧлысь 3 лунся 434 №-а шуӧмын, Коми Республикаса Веськӧдлан котырлӧн 2020 во косму тӧлысь 4 лунся 90-р №-а тшӧктӧмын;

3) уджтӧмалысь либӧ удж корсьысь граждана – уджавны вермысь граждана, кодъяс 2020 вося рака тӧлысь 16 лунясь эз водзджык шыӧдчисны олысьясӧс уджӧн могмӧдан служба канму учреждениеясӧ лӧсялана удж корсьны отсӧгла;

4) велӧдан организацияяс помалысьяс – йӧз, кодъяс бура помалісны велӧдчӧмсӧ да 2020 воӧ босьтісны велӧдчӧм йылысь лӧсялана документ:

общеобразовательной школаяс помалысьяс, кодъяс эз пырны велӧдан организациясӧ уджсикасӧ велӧдан шӧр тшупӧда либӧ уджсикасӧ велӧдан вылыс тшупӧда уджтасьяс серти велӧдчӧм вылӧ, корсьӧны удж;

уджсикасӧ велӧдан шӧр тшупӧда да уджсикасӧ велӧдан вылыс тшупӧда велӧдан организацияяс помалысьяс, кодъяс корсьӧны уджсӧ медводдзаысь;

уджсикасӧ велӧдан шӧр тшупӧда да уджсикасӧ велӧдан вылыс тшупӧда велӧдан организацияяс помалысьяс, кодъяс уджалӧны оз босьтӧм нырвизь, уджсикас либӧ специальностьт серти.